

Cruth-atharrachadh UHI

do chothrom air com-pàirteachas UHI a chumadh don àm ri teachd



ROINN

do bheachd air ar
molaidhean tràth airson
com-pàirteachas nas
amalaichte




Faigh a-mach tuilleadh aig transformation.uhi.ac.uk

Cuir crìoch air an t-suirbhidh

Fosgailte bho 24 Màrt - 2 Cèitean 2025

UHI



Tha am mapa seo airson adhbharan mìneachaidh, a' frithealadh mar riochdachadh lèirsinneach de ar diofar làraichean. Tadhailibh air www.uhi.ac.uk/en/campuses airson làn fhiosrachadh mu ar n-àrainnean uile.

Ma bhios tuilleadh cheistean agaibh mu mhapaichean, cuiribh fios gu brand@uhi.ac.uk

Contents

04 + 05

Ro-ràdh

06 + 07

Cò sinn

08 + 09

Aithris-rùin, lèirsinn agus
Plana Ro-innleachdail
2030 UHI

10 + 11

Com-pàirteachas
oilthighe nas amalaichte

12 + 13

An fheum air
cruth-atharrachadh

14 + 15

Cothroman
eaconamach

16 + 17

Prionnsalan UHI gus
cruth-atharrachadh a
chomasachadh

18 + 19

Buannachdan air am
moladh

22 + 23

Riaghladh is ceannardas
cruth-atharrachaidh

24 + 25

Roinn do bheachd



Ro-rà

Tapadh leibh airson ur n-ùidh

Is e UHI an t-oilthigh as òige ann an Alba agus a tha aithnichte gu cruinneil mar institiùd treas-ìreach. Tha sinn moiteil ar com-pàirteachas air leth de cholaistean a chomharrachadh, còmhla ri ar n-institiudan rannsachaidh a tha aithnichte air feadh an t-saoghail agus ar n-ionadan teagaisg speisealach. Tha UHI barrachd na a bhith na oilthigh thraidiseanta agus tha sinn pròiseil foghlam adhartach, foghlam àrd-ìre agus rannsachadh aig ìre chruinneil a lìbhrigeadh tarsainn lìonra de cholaistean agus compàirtichean speisealta. Tha ar rùn sìmplidh, agus 's e sin buaidh chruth-atharrachail a thoirt air daoine, coimhearsnachdan agus eaconamaidh ar sgìrean.

Tha ar com-pàirteachas oilthighe a' tòiseachadh a-nis air slighe bhrosnachail a dh'ionnsaigh ar plana ro-innleachdail 2030 UHI a lìbhrigeadh. Mar phàirt de ar rùn ro-innleachdail, tha sinn a' coimhead ri togail air an t-soirbheachas aig UHI gu ruige seo. Tha am pàipear geàrr-iomraidh seo a' taisbeanadh nan ciad mholaidhean airson institiùd nas amalaichte agus nas aonaichte a chruthachadh, mar sin a' neartachadh ar dealais a thaobh ionnsachadh, sgilean, rannsachadh is ùr-ghnàthachas stèidhichte sa choimhearsnachd a lìbhrigeadh aig ìre chruinneil, ach a' cumail ri ar gealltanais mar chom-pàirteachas 'smaoineachadh, planadh agus gnìomhadh mar aon'.

Tha an iomairt com-pàirteachaidh seo ag amas air in-sheallaidhean luachmhor a thional bho oileanaich, luchd-obrach, agus prìomh luchd-ùidhe eile mar a bhios ar com-pàirteachas a' fàs agus ag atharrachadh ann an saoghal an latha an-diugh. Tha fios againn gu bheil feum aig ar coimhearsnachdan oirnn a bhith cho math 's a ghabhas, gus iadsan a chuideachadh gu bhith làidir is fulangach agus soirbheachail.

Mar a bhios sinn a' cruth-atharrachadh, is e ar ciad phrìomhachas dèanamh cinnteach gum fuirich atharrachaidhean institiùdach uile fìor do ar n-athris-rùin bhunasaich agus co-thaobhadh le ar Plana Ro-innleachdail 2030. Tha an gealltanais seo gar cumhachdachadh gu leantainn air adhart a' frithealadh ar sgìrean gu h-èifeachdach agus le ionracas, agus aig an aon àm a' dèiligeadh ri dùbhlain sòisealtasach deatamach leithid lasachadh air di-dhaoineachadh, cruthachadh obraichean de dh'àrd-chàileachd, neartachadh choimhearsnachdan, agus suidheachadh UHI mar phrìomh stiùiriche air na cothroman leasachaidh eaconamach gun choimeas tarsainn ar sgìrean.

Gus leantainn a' coileanadh ar n-aithris-rùin agus ar lèirsinn, tha sinn a' tuigsinn an fheum air fàs mean air mhean. Le bhith a' gabhail ri amalachadh buidheannail agus a' grinneachadh ar modhan-obrach, faodaidh sinn ar làn chomais fhuasgladh. A' toirt feum às ar sgèile choitichinn, iomadachd agus neartan sònraichte, tha sinn ag amas air buidheann nas làidire agus nas seasmhaiche a thogail, a leanas air a' lìbhrigeadh ar n-aithris-rùin agus a' cruthachadh soirbheachas agus cothrom.

Coltach ri mòran institiùdan ann an roinn an fhoghlaim, tha UHI a' coimhead ri dùbhlain agus uallaichean ionmhasail sònraichte. Tha barrachd cuideam air margaid trusaidh àrd-fharpaiseach nan oileanach tron chrìonadh shusbainteach anns an àireamh de dh'oileanaich eadar-

dh

san Oilthigh



nàiseanta a' tighinn don RA, còmhla ri lùghdachaidhean ann am maoinachadh tarsainn roinnean a tha a' toirt buaidh air an dà chuid foghlam adhartach agus àrd-ìre. Mar fhreagairt do na suidheachaidhean caochlaideach sin, feumaidh UHI atharrachadh ro-innleachdail a thoirt gu buil gus dèanamh cinnteach à seasmhachd fad-amail fhad 's a thathar a' togail àrd-ùrlar airson fàs tarsainn sgìrean UHI air fad.

Mar a bhios ar com-pàirteachas a' gluasad air adhart, tha sinn dealasach a thaobh togail air ar soirbheachasan, a' cleachdadh ar sùbailteachd agus ar freagairteachd gus leantainn air adhart a' libhrigeadh suidheachadh do ar n-oileanaich a bhios air leth. Tha sinn ag amas air conaltradh le ar coimhearsnachdan, leasachadh eaconamach a stiùireadh agus in-shealbh a tharraing a bhios na bhuannachd do na sgìrean a tha sinn a' frithealadh. Bheir ar n-àrd-amas comas dhuinn feumalachdan agus dòchasan leasachail ar n-oileanaich is coimhearsnachdan a choileanadh agus a bharrachadh,

a' togail fulangas agus a' dèiligeadh ris na dùbhlain ionmhasail airson a' chom-pàirteachais.

Tha am pàipear seo a' mìneachadh na cùise airson atharrachadh gu com-pàirteachas UHI a bhios nas amalaichte agus nas èifeachdaiche. Tha e a' frithealadh mar a' bhunait a dh'ionnsaigh leasachadh air Làn Chùis Gnothachais, clàraichte airson a chur a-steach gu buidhnean riaghlaidh UHI as t-samhradh 2025, air a leantainn le tuilleadh co-chomhairleachaidh phoblach.

Tha sinn a' toirt cuireadh bhlàth do dh'fiosrachadh air ais bhuaibh air na molaidhean sin, bidh an in-chur agaibh na phrìomh eileamaid ann an cumadh slighe air adhart UHI agus ann am fiosrachadh na Làn Chùise Gnothachais. Còmhla, is urrainn dhuinn cuideachadh le dèanamh cinnteach gun lean UHI air adhart a' soirbheachadh agus a' toirt buaidh bhrìgheil fad bhliadhnaichean ri teachd.

Cò sinn

Far a bheil
ionnsachadh
a' ciallachadh
barrachd

Treas-ìreach

In-ghabhalach, taiceil, adhartach agus co-cheangailte

Tha UHI barrachd na bhith na oilthigh thraidiseanta. Tha sinn a' cur taic ri daoine òga aig gach ìre de an slighe foghlaim – bho ìre inntrigidh gu sgrùdaidhean PhD agus rannsachadh aig ìre chruinneil a thuilleadh air gach ìre eadar sin. Tha sinn a' tabhann nam prògraman a leanas:



+ Preantasachdan

+ Clasaichean ìre inntrigidh do sgoilearan àrd-sgoile

+ Foghlam Adhartach

+ Foghlam Àrd-Ìre

+ Iomlaid Fiosrachaidh

+ Sgrùdaidhean PhD

+ Cùrsaichean goirid agus Teisteanasan proifeiseanta

+ Ionnsachadh stèidhichte air obair

+ Rannsachadh aig ìre chruinneil

+ Ionnsachadh fad-beatha dhaibhsan le feumalachdan taic a bharrachd





Rùn, léirsinn agus Plana Ro-innleachdail 2030 UHI

Far a bheil ionnsachadh a' ciallachadh barrachd

Prionnsapalan Stèidhidh

Stèidhichte sna 1990an gus taic a chur ri seasmhachd agus fàs air a' Ghàidhealtachd, sgìrean Mhoireibh agus Siorrachd Pheairt, chaidh UHI a bhonnachadh air ceithir phrionnsapalan a tha cho sònraichte an-diugh agus a bha iad aig air tùs:

- + **Cothroman foghlaim do na h-uile:** taobh a-staigh nan roinnean, stèidhichte sna coimhearsnachdan.
- + **Stiùireadh air fàs eaconamach:** Institiùd stèidhidh agus brosnachadh air leasachadh eaconamach.
- + **Co-chruthachadh foghlaim is rannsachadh:** Curraicealam agus rannsachadh co-cheangailte ris na roinnean, cruth-tìre gun choimeas, dualchas agus cultar.
- + **Libhrigeadh atharrachadh sòisealta:** gus amannan teachdail nas fheàrr a thogail do na roinnean.

Rùn UHI

Buaidh chruth-atharrachail a thoirt air na daoine, coimhearsnachdan agus eaconamaidh ar roinnean. Nì sinn seo tro libhrigeadh air ar Plana Ro-innleachdail 2030.

Lèirsinn UHI

Bidh sinn a' tarraing, ag àrach agus a' glèidheadh tàlant nar coimhearsnachdan, a' cur taic ri ùr-ghnàthachas agus soirbheachas sòisealta is eaconamach. Nì sinn seo tro libhrigeadh ùr-ghnàthach air ionnsachadh sùbailte fad-beatha a tha cuimsichte air so-fhastachd is sgilean agus rannsachadh buadhach. research.

C

A bheil thu a' faireachdainn gu bheil UHI gu làithreach a' libhrigeadh a rùn agus a lèirsinn, a' gabhail a-steach ar ceithir phrionnsapalan stèidhidh.

A bheil dòighean ann san urrainn dhuinn leasachadh?

Plana Ro-innleachdail 2030

Gus leantainn a' coileanadh ar ruin agus ar prionnsapalan stèidhidh ann an saoghal caochlaideach, feumaidh sinn gabhail ri modh-obrach nas amalaichte. Air a leasachadh gu co-obrachail leis na com-pàirtichean uile, tha Plana Ro-innleachdail 2030 a' nochdadh mapa slighe airson ar n-ard-amasan teachdail eadar-theangachadh gu toraidhean.

Aonaichte a thaobh an adhbhair seo agus gus ar comas a làn-mheudachadh, tha an com-pàirteachas dealasach a thaobh nan còig phrìomhachasan adhartachadh tarsainn ruigsinneachd ionadail, roinneil, nàiseanta agus cruinneil:

- + **Teagasg, ionnsachadh agus taic**
- + **Buaidh rannsachaidh agus ùr-ghnàthachais**
- + **Iomairt agus fàs**
- + **Seasmhachd àrainneachdail**
- + **Sàr-mhathas obrachaidh**

C

Dè tha thu a' faicinn mar na h-àrd-phrìomhachasan airson UHI nas amalaichte sa chiad trì bliadhna?



Com-pàirteachas nas amalaichte

Dè th' ann an amalachas?

Is e ar n-amas tron phrògram cruth-atharrachaidh, pròiseas atharrachaidh a stiùireadh a libhrigeas buannachd mheudaichte is chudromach do dh'oileanaich, luchd-obrach agus coimhearsnachdan UHI tro amalachas nas dlùithe. Tha seo a' ciallachadh grinneachadh air solaran làithreach, structaran, siostaman, riaghladh, agus pròiseasan, gus fiosrachadh oileanaich àrdachadh, a' dèanamh cinnteach à seasmhachd ionmhasail agus àrd-ùrlar airson fàs is inbheisteachd tarsainn ar roinnean.

Tha com-pàirteachas treas-ìreach UHI air a dhèanamh suas à lìonra de cholaistean, institiùdan rannsachaidh, com-pàirtichean speisealach agus an t-oilthigh. Tha gach com-pàirtiche ag obrachadh fo òrdughan riaghlaidh air leth, leis an oilthigh a' coileanadh a dhreuchd reachdail mar am Buidheann Ro-innleachdail Roinneil (RSB). Mar an RSB, tha sinn a' co-obrachadh le com-pàirtichean air prìomh raointean leithid riarachadh maoin, builean roinneil, inbhean acadaimigeach, rannsachadh is cumhachdan buileachaidh cheuman agus seasmhachd ionmhasail.

Tha com-pàirtichean UHI uile gu gnìomhach an sàs anns a' phròiseas cruth-atharrachaidh leantainneach. Tha an t-oilthigh, mar am Buidheann Ro-innleachdail Roinneil agus na sia com-pàirtichean a leanas, còmhla a' rannsachadh amalachas nas dlùithe:

- + UHI EARRA-GHÀIDHEAL
- + UHI INBHIR NIS
- + UHI MOIREIBH
- + UHI A TUATH, AN IAR AGUS INNSE GALL
- + UHI PEAIRT
- + UHI SEALTAINN

Cumaidh UHI Arcaibh agus na trì com-pàirtichean speisealta an structaran riaghlaidh fhèin ach aig an aon àm an sàs ann an deasbadan mar cho-thabhairtichean a thaobh UHI san àm ri teachd. Bidh cothrom aig na com-pàirtichean sin pàirt a ghabhail san adhartas atharrachaidh aig amannan cunbhalach, an crochadh air aonta bho na buidhnean riaghlaidh aca.

UHI | ARGYLL

UHI | INVERNESS

UHI | MORAY
MOIREIBH

UHI | NORTH, WEST AND HEBRIDES
A TUATH, AN IAR IS INNSE GALL

UHI | ORKNEY

UHI | PERTH

UHI | SHETLAND

A partner of
UHI | UHI

SAMS
Scottish Association
for Marine Science
A partner of
UHI

SABHAL
MOR
OSTAIG

UHI University of the
Highlands and Islands
Oilthigh na Gàidhealtachd
agus nan Eilean

oilthighe

Gus am pròiseas cruth-atharrachaidh a thòiseachadh, chaidh Dreachd Cùis Gnothachais a leasachadh tro 2024 ann an dlùth cho-obrachadh tarsainn a' chom-pàirteachais.

Gu làithreach, tha na com-pàirtichean uile ag obair còmhla gus modail ùr obrachaidh a leasachadh agus mapa slighe soilleir a stèidheachadh airson a bhuileachadh. Nearthaidh am modail seo am buidheann againn, ag àrdachadh èifeachdas agus a' meudachadh bhuanannachdan do ar n-oileanaich, luchd-obrach agus coimhearsnachdan.

Gus seo a choileanadh, feumaidh sinn mòran slighean a rannsachadh:

Cruthachadh institiùd treas-ìreach làn-amalaichte

Rannsachadh iomchaidheachd UHI Earra-Ghàidheal; UHI Inbhir Nis; UHI Moireibh; UHI a Tuath, an Iar agus Innse Gall; UHI Peairt; UHI Sealtainn agus an t-oilthigh a bhith nan aon institiùd treas-ìreach aonaichte.

Co-aonaidhean

Coimhead ris na caidreachasan agus na buannachdan a dh'fhaodadh a bhith comasach tro chom-pàirtichean fa leth a' co-aonadh san aon dòigh 's a bha UHI a Tuath an Iar agus Innse Gall air a chruthachadh.

Cruth-atharrachadh taobh a-staigh co-rèiteachadh làithreach UHI


Co-chòrdadh siostaman is pròiseasan làithreach gus sruthan-obrach a shìmpleachadh agus fiosrachadh a leasachadh do luchd-obrach agus oileanaich, mar a tha mìnichte ann an ro-innleachd 20230 UHI.

Is e an ath ìre Làn Chùis Gnothachais a leasachadh, a mhìniceas na h-atharrachaidhean a tha sinn a' coimhead ri a dhèanamh. Bidh mòran conaltraidh le luchd-obrach, oileanaich, aonaidhean ciùird agus ar luchd-ùidhe eile, gus a dhèanamh cinnteach gu bheil am modail obrachaidh a tha sinn a' moladh, cho làidir 's a ghabhas agus a' gabhail cunntas air diofar fheumalachdan nan coimhearsnachdan a tha sinn a' frithealadh.

Aon uair 's gu bheil an Làn Chùis Gnothachais air aontachadh le Cùirt agus bùird-stiùiridh UHI nas fhaide air adhart ann an 2025, bidh co-chomhairleachadh foirmeil a' gabhail àite a' solarachadh cothrom cudromach a bharrachd do luchd-ùidhe air com-pàirt a ghabhail agus fiosrachadh air ais a thoirt seachad.

Pròiseas

Leanaidh conaltradh agus deasbadan le Riaghaltas na h-Alba tro Chomhairle Maoineachaidh na h-Alba tro gach ìre den Làn Chùise Gnothachais.




An fheum air Cruth-atharrachadh

Rùn UHI a choileanadh

Dèanamh cinnteach gu bheil buaidh chruth-atharrachail againn air oileanaich agus coimhearsnachdan taobh a-staigh ar roinnean.

Seasmhachd ionmhasail

A bhith mar oilthigh a bhios nas buadhaiche agus nas èifeachdaiche do ar n-oileanaich, luchd-obrach agus coimhearsnachdan.



Cruthachadh àrd-ùrlar airson fàs agus soirbheachas

Freagarrachadh do shaoghal atharrachail le bhith a' solarachadh curraicealam agus rannsachadh a tha co-thaobhaichte le cothroman eaconamach caochlaideach agus neartan roinneil.

A' tuigsinn ar n-àrd-amais

Tha sinn a' coimhead ri obrachadh ann an dòigh nas buadhaiche agus nas èifeachdaiche fhad 's a tha sinn a' cumail ri libhrigeadh air ionnsachadh, teagasg, rannsachadh agus iomlaid eòlais a leasachadh, a' dèanamh cinnteach à seasmhachd fad-amail na h-institiùid. Tha sinn làn dealasach a thaobh fuireach ann an dlùth cheangal mar phàirt bhunaiteach de na coimhearsnachdan uile a tha sinn a' frithealadh.

Le bhith mar institiùd nas amalaichte, tha sinn a' coimhead ri:

- + bhith mar institiùd foghlaim treas-ìreach a tha seasmhach gu h-ionmhasail.
- + cothrom a chruthachadh gu tairgse Ionnsachaidh, Teagaisg agus Rannsachaidh nas làidire, nas seasmhaiche agus neartaichte do dh'oileanaich is coimhearsnachdan UHI.
- + eòlas àrdaichte a sholarachadh do dh'oileanaich UHI tarsainn na làraichean uile agus air-loidhne, le cothromas solair, cothruim, poileasaidh agus taic do dh'oileanaich.
- + cothroman nas fheàrr a sholarachadh do luchd-obrach, a' gabhail a-steach adhartas agus leasachadh dreuchdail.
- + comas air conaltradh agus com-pàirteachasan le gnothachasan is luchd-fastaidh a neartachadh taobh a-staigh ar coimhearsnachdan.
- + riaghladh a shìmpleachadh agus gluasad gu ceannardas agus structar riaghlaidh nas aonaichte.
- + fàs àrdachadh ann an earrannan a tha a' tighinn am bàrr agus cudromach gu roinneil, a' stiùireadh leasachadh eaconamach agus a' neartachadh thabhartasan don eaconamaidh ionadail.

Seasmhachd ionmhasail

Coltach ri mòran oilthighean agus cholaistean, tha aig UHI ri dèiligeadh le dùbhlain ionmhasail ann an suidheachadh eaconamach an latha an-diugh. Thar nan deich bliadhna a dh'fhalbh, tha maoinachadh don roinn seo air a ghearradh gu mòr ann an da-rìribh, fhad 's a tha atmhorachd agus atharrachaidhean poileasaidh a' cur barrachd cuideim.

Dùbhlain cosgais gun choimeas

- + **Suidheachadh dùthchail is eileanach UHI**
Tha suidheachadh gun choimeas UHI tarsainn mòran choimhearsnachdan dùthchail agus eileanach, a' meudachadh cosgais libhrigidh foghlam ann an coimeas ri sgìrean bailteil.
- + **Margaid nas fharpaisich**
Tha farpais nas àirde a thaobh trusadh oileanaich còmhla ri suidheachaidhean ionmhais duilich ag iarraidh gun atharraich UHI a dhòigh obrachaidh.
- + **Leantainn leis a' mhodail làithreach**
Chan eil am modail làithreach aig UHI seasmhach agus bidh sin a' toradh ann an dùbhlain ionmhasail leantainneach do UHI, a' neartachadh ar rùn air ath-leasachadh agus ath-fhàs ann an suidheachadh a tha daonnan caochlaideach.

Fuasglaidhean

- + **Lùghdachadh chosgaisean**
Dèiligeadh ri dùbhlain ionmhasail le bhith a' lùghdachadh chosgaisean do chom-pàirtichean uile, leithid lùghdachadh dùblachadh air seirbheisean, a' ceadachadh do UHI a bhith nas èifeachdaiche agus nas buadhaiche.
- + **Teachd-a-steach ùr**
Comasaichidh sinn fàs agus seilbheachd riatanach, ag àrdachadh eòlas oileanaich san fhad-ama mar cheann-uidhe roghainneil do luchd-ionnsachaidh ùr.
- + **A' coileanadh gu co-obrachail**
Bidh ar com-pàirteachas a' co-obrachadh gus atharrachaidhean a cho-dhealbhadh a neartaicheas àite UHI mar phrìomh sholaraidhe air foghlam agus rannsachadh aig ìre chruinneil, a' dèanamh cinnteach à seasmhachd ionmhasail fad-amail.



Cothroman eaconamach

Tha sgìrean UHI mar na raointean as motha a tha a' fàs ann an Alba. Tha Com-pàirteachas Eaconamach Roinneil na Gàidhealtachd 's nan Eilean (HIREP) a' taisbeanadh cho mòr 's a tha buannachd eaconamach. Tha rannsachadh tràth a' sealltainn gum faodadh thairis air an ath 10 gu 15 bliadhna, còrr air £110 billean in-thasgadh a dhèanamh air feadh roinnean na Gàidhealtachd is nan Eilean le tuairmse de 85,000 bliadhna obrach thairis air an ùine sin, a' suidheachadh UHI gus cothroman a mheudachadh thar cuid de na roinnean as cudromaiche ann an Alba. Bidh sgèile na sgioba-obrach sgìleil a tha riatanach do ghnìomhachas, a' stiùireadh iarrtas sna roinnean a-staigh airson foghlam adhartach agus preantasachdan, a thuilleadh air teisteanasan fo-cheum agus ìre Maighstireachd, a' cur UHI aig cridhe nan cothroman foghlaim, coimearsalta agus eaconamach sin.

Saor-phort Uaine Inbhir Nis is Linne Chrombaidh (ICFGF)

- + Is iad làraichean ICFGF an leasachadh gnìomhachasail uaine as motha san RA, a' tarraing inbheisteachd bho air feadh an t-saoghail, a' stèidheachadh na roinne mar phrìomh mhòr-ionad na h-Eòrpa airson teicneòlasan cumhachd ath-nuadhachail agus gaoithe. Cuiridh UHI, mar am prìomh chom-pàirtiche, taic ris an leasachadh seo le trèanadh sgioba-obrach don àm ri teachd gus dèanamh cinnteach gu bheil an Saor-phort Uaine a' libhrigeadh buaidh chruth-atharrachail.

ScotWind

- + Tha piob-loidhne gaoithe far-thìreach na h-Alba a' rangachadh am measg an leasachaidh as motha san t-saoghal den t-seòrsa seo. Taisbeanaidh còrr air 70% de na pròiseactan teicneòlas fleodraidh ùr-nodha, a' suidheachadh Alba agus an RA mar stiùirichean ann am Floating Offshore Wind. Bho 2021, tha UHI air a bhith ann an com-pàirteachas le leasaichearan ScotWind gus saidheans, teicneòlas, pròiseactan STEM, sgoilearachdan, agus rannsachadh a stiùireadh tarsainn an lìonra.

Haidreadsan

- + Tha a' Ghàidhealtachd deiseil airson ceannas a ghabhail air ath-leasachadh haidreadsan uaine na RA, air a stiùireadh le comas àibheiseach gaoithe far-thìreach. Tha Linne Chrombaidh mar àite a tha foirfe air a shon, le cothrom air dealan ath-nuadhachail, iarrtas làidir ionadail, sèinichean solair eòlach, rannsachadh haidreadsan UHI, agus oidhirp Chomhairle na Gàidhealtachd air eaconamaidh haidreadsain fhaotainn.

Haidreo air a phumpadh

- + Tha haidreo air a phumpadh a' stòradh còrran cumhachd càrboin ìosal airson a chleachdadh nuair nach eil gaoth agus solas grèine ri fhaotainn, a' dèanamh cinnteach à sùbailteachd cumhachd. Is e pròiseact a' Choire Ghlais, air a stiùireadh le aon de chom-pàirtichean ro-innleachdail SSE aig UHI, aon de na pròiseactan stòraidh planaichte as motha agus as adhartaiche san RA thar 10GW. Tha com-pàirtichean gnìomhachais mar Statkraft agus Statera a' co-obrachadh cuideachd le UHI air ro-innleachdan sgioba-obrach agus sgìlean.



Cothroman eaconamach a bharrachd

- + Tuathanachas-uisge
- + Gnìomhachasan cruthachail
- + Turasachd
- + Puirt agus calaidhean
- + Tar-chur cumhachd
- + Puirt fànais

C

A bheil thu a' creidsinn gu bheil UHI ann an deagh shuidheachadh airson dèanamh cinnteach gu bheil na buannachdan eaconamach is sòisealta tarsainn ar roinn air an coileanadh, leithid a bhith a' coinneachadh riatanasan eadar-ghluasad cumhachd ath-nuadhachail?



Dè an dreuchd a th' aig UHI?


Bidh iarrtas cudromach ann airson:

- + Foghlam
- + Trèanadh agus sgilean
- + Rannsachadh
- + Ùr-ghnàthachas
- + Cumhachdachadh coimhearsnachd

C

A bheil thu den bheachd gu bheil curraicealam làithreach UHI a' co-thaobhadh ri feumalachdan na sgioba-obrach ionadail agad agus a' solarachadh foghlam agus trèanadh a tha freagarrach do chothroman obrach roinneil an latha an-diugh agus an ama ri teachd?

Prionnsapalan UHI gus cruth- atharrachadh a chomasachadh





Gus a dhèanamh cinnteach gu bheil com-pàirteachas nas amalaichte a' co-thaobhadh le àrd-amas iomlan UHI, tha seachd prionnsapalan air an aontachadh leis na com-pàirtichean uile gus atharrachadh a chomasachadh. Bidh co-dhùnadh sam bith mu UHI san àm ri teachd bonntaichte air na prionnsapalan sin:

1. Ionnsachadh, teagasg agus rannsachadh

Neartachadh ar comais air ionnsachadh, teagasg agus rannsachadh a libhrigeadh.

2. Eòlas oileanaich

Meudachadh na co-chuid de na goireasan a tha air an ùisneachadh air ar n-oileanaich gus an eòlas air ionnsachadh aig UHI àrdachadh aig ìre sam bith, agus an cothromas tarsainn an t-solair sin. .

3. Sgaoilte a rèir cruinn-eòlas

Fuireach sgaoilte a rèir cruinn-eòlas, a' libhrigeadh fheumalachdan foghlaim ar coimhearsnachdan agus ag àrdachadh fàs is leasachadh eaconamach ionadail.

4. Modh-obrach air a stiùireadh gu h-ionadail

Dèanamh cinnteach à cunntachalachd is cumhachdachadh ionadail agus modhan-obrach stèidhichte air àite a tha a' neartachadh UHI le cunbhalachd is freagairteachd tarsainn ar roinnean.

5. Cothroman luchd-obrach

Solarachadh do chothroman nas fheàrr do ar luchd-obrach agus an leasachadh dreuchdail aca tarsainn solar acadaimigeach corporra agus treas-ìreach.

6. Dèanamh cho-dhùnaidhean

Neartachadh ar comas co-dhùnaidhean tro chunntachalachd puing singilte.

7. Cuimse treas-ìreach

A bhith iomlan treas-ìreach anns gach nì a tha sinn a' dèanamh agus seo a chleachdadh airson clàr-obrach foghlaim seachad air 16-bliadhna ann an Alba.



A bheil na seachd prionnsapalan sin a' gabhail a-steach gu farsaing na tha riatanach airson cruth-atharrachadh soirbheachail air com-pàirteachas UHI?



Buannachdan molta



Mar thoradh air ar n-atharrachadh leantainneach, tha sinn a' sùileachadh raon de bhuanachdan làidir a chumhachdaicheas ar n-oileanaich, ag àrdachadh chothroman do luchd-obrach, a' saidhbhreachadh nan coimhearsnachdan a tha sinn a' frithealadh agus a' piobrachadh 's a' tarraing leasachadh eaconamach don roinn. Bidh an Làrn Chùis Gnothachais a' mìneachadh nan ro-innleachdan agus nan gnìomhan sònraichte a thèid a bhuileachadh gus na buannachdan sin fhaotainn.

Oileanaich

- + **Curraicealam nas cunbhalache agus nas seasmhaiche**
Tairgse air curraicealam co-aonaichte le slighean adhartais sònraichte agus soilleir do ar n-oileanaich.
- + **Seilbheachd nas àirde ann am prìomh libhrigeadh acadaimigeach**
Bheir roinn nas motha de mhaoineachadh neartachadh dìreach air libhrigeadh acadaimigeach, eòlas oileanaich agus sàr-mhathas rannsachaidh.
- + **Siostaman agus seirbheisean leasaichte**
Stèidheachadh sheirbheisean taic oileanaich a tha furasta, làidir agus àrd-chàileachdail airson ionnsachadh pearsanta agus air-loidhne, air a neartachadh le poileasaidhean agus siostaman singilte gus dèanamh cinnteach à cunbhalachd agus eòlas oileanaich àrdaichte.
- + **Taic oileanaich meudaichte**
Comas agus goireasan nas motha air an riarachadh gu seirbheisean taic oileanaich, leasachadh bun-structar agus com-pàirt Comann Oileanaich na Gàidhealtachd 's nan Eilean Greater (HISA).
- + **Slighe shìmplichte oileanaich**
Pròiseasan èifeachdach agus cunbhalach a' stiùireadh oileanaich gun dragh sam bith bho ìre ceist gu tagradh gu ceumnachadh.
- + **Meudachd shòisealta saidhbhrichte**
Saidhbhreachadh meudachd shòisealta na beatha sa cholaiste agus oilthigh, eadar gu bheil seo tro libhrigeadh aghaidh-ri-aghaidh no air-loidhne.
- + **Cothrom leudaichte gu ionnsachadh**
Tha inbheisteachd nas àirde ann an libhrigeadh acadaimigeach a' meudachadh cothrom air ionnsachadh aig diofar làraichean, a' gabhail a-steach gu pearsanta no air-loidhne.
- + **Taic leasaichte don Ghàidhlig**
Comas meudaichte air Gàidhlig agus am plana Gàidhlig amalachadh tarsainn na roinnean uile.

Luchd-obrach

- + **Eòlas cosnaiche cunbhalach**
Dèanamh cinnteach à fosgailteachd is cothromas ann am poileasaidhean, cothroman, cumhachan, agus structaran eagrachail gus taic cothromach a chur ri luchd-obrach uile.
- + **Cothroman airson fàs agus leasachadh proifeiseanta**
Leudachadh shlighean adhartais dreuchdail, leasachadh proifeiseanta agus dreuchdan speisealta a' cur taic ri àrd-mhiannan dreuchdail fad-amail tarsainn sheirbheisean is obraichean eadar-mheasgte.
- + **Àrdachadh èifeachdas agus fulangas**
Co-dhaingneachadh ghoireasan gus èifeachdas obrachail a mheudachadh, a' lùghdachadh uallaichean obrach is dùblachadh, agus a' neartachadh fulangas.
- + **Leasachadh cultar nas dearbhaiche**
Àrach àrainneachd cho-obrachail agus thaiceil, a tha ag adhartachadh cultar eagrachail deimhinneach agus faireachdainn làidir de bhuntainneas.
- + **Riarachas obrach agus aithne leasaichte**
Neartachadh riarachas obrach le bhith a' solarachadh aithne nas àirde, duais, agus coileanadh iomlan san àite-obrach.



Tomhas agus adhartachadh na buaidh bheanailtich a th' aig UHI air leasachadh eaconamach tarsainn na roinnean.



Coimhearsnachdan

+ Sgilean so-fhastachd àrdaichte

Tabhainn sgilean so-fhastachd agus foghlam àrdaichte a tha a' maidseadh feumalachdan atharrachail na sgioba-obrach làithreach agus teachdail, a' dèanamh cinnteach gun coilean sinn iarrtas agus feum ionadail.

+ Ath-thaisg ann an cothroman ionadail

Cruthaich comas air ath-thasgadh ann an cothroman fais tarsainn ionnsachadh agus teagasg, leasachadh sgilean, iomlaid eòlais agus gnìomhachdan coimearsalta.

+ Curraicealam buntainneach do na roinnean

Lean air adhart a' leasachadh curraicealam fiùghantach is freagairteach, a tha cuimsichte air feumalachdan atharrachail choimhearsnachdan roinneil agus prìomh luchd-ùidhe.

+ Faicsinneachd leasaichte air prìomhachasan ionadail

Àrdachadh faicsinneachd air dearbh-aithne ionadail, cultarach agus cànanach anns a' Ghàidhealtachd 's na h-Eileanan tro ìomhaigh àrdaichte UHI, a' gabhail a-steach a' Phlana Ghàidhlig.

+ Meudachadh buaidh eaconamach air coimhearsnachdan UHI

Tomhas agus adhartachadh air a' bhuidh bheanailtich a tha aig UHI air leasachadh eaconamach tarsainn na roinnean.

+ Freagairteach do fheumalachdan ionadail

Freagairteach gu h-ionadail agus luchd-obrach fiosrachail a' solarachadh làthaireachd ionadail tarsainn na roinnean, le pròiseasan sònraichte airson com-pàirt coimhearsnachd.



C

A bheil buannachdan a bharrachd air am bu chòir do UHI beachdachadh, a thuilleadh air na buannachdan a tha molta do dh'oileanaich, luchd-obrach agus coimhearsnachdan?



Dealasan/Gealltanasan

Mar phàirt den phrògram cruth-atharrachaidh seo, tha bùird stiùiridh agus àrd-stiùirichean UHI air gabhail ris na dealasan a leanas:

- + Lùghdaich troimh-chèile do dh'oileanaich, luchd-obrach agus coimhearsnachdan chun na h-ìre as isle, tron phrògram cruth-atharrachaidh.
- + Dèan conaltradh ro-ghnìomhach le aonaidhean ciùird.
- + Bidh sàbhalaidhean air an ath-thasgadh gus ar seirbheisean do dh'oileanaich, luchd-obrach agus coimhearsnachdan, a neartachadh.
- + Glèidh dèanamh cho-dhùnaidhean agus lìbhrigeadh ionadail

Cruth- atharrachadh, riaghladh is ceannardas



Tha riochdachadh bho air feadh a' chom-pàirteachais a' dèanamh suas buidhnean ceannardais is riaghlaidh a tha cunntachail airson stiùireadh air a' phrògram cruth-atharrachaidh. Tha na bùird ballrachd sin a' solarachadh frèam-obrach shoilleir le cinn-uidhe minichte, dreuchdan agus dleastanasan.

Cùirt UHI

Tha bòrd riaghlaidh Bhuidhnean Ro-innleachdail Roinneil cunntachail airson stiùireadh ro-innleachdail iomlan agus riaghladh an oilthighe, a' stiùireadh obraichean ar n-institiùid treas-ìreach ann an gèilleadh do dh'Achd Foghlam Adhartach is Àrd-Ìre (Alba) 1992. Bldh a' Chùirt a' coimhead thairis air a' phrògram chruth-atharrachaidh bho a thus gu a bhuileachadh.

Bòrd Stiùiridh Eadar-ghluasaid

Tha am Bòrd Stiùiridh Eadar-ghluasaid a' gabhail a-steach riaghladairean UHI, riochdachadh neo-eisimeileach, riochdairean oileanaich is luchd-obrach, a' tarraing eòlas eadar-mheasgaichte bho air feadh a' chom-pàirteachais. Tha am buidheann seo cunntachail airson leasachadh air a' mhodail obrachaidh ùr a stiùireadh agus a mharasgladh, a' dèanamh cinnteach gu bheil e a' co-thaobhadh ri Plana Ro-innleachdail 2030 UHI. Ag aithris do Chùirt UHI, tha am bòrd a' riaghladh, a' leantainn adhartais, a' stiùireadh chunnartan, agus a' dèanamh cinnteach gu bheil goireasan air an cleachdadh gu ceart fhad 's a thathar a' lìbhrigeadh bhuannachdan ionmhasail agus neo-ionmhasail.


Buidheann Gnìomha Eadar-ghluasaid

Tha prìomh dhreuchd aig a' Bhòrd Gnìomha Eadar-ghluasaid ann an cumadh program cruth-atharrachaidh UHI le bhith a' coimhead thairis air leasachadh air an obair dhèanadach tro chonaltradh èifeachdach com-pàirteachais. Tha ballrachd a' bhùird a' gabhail a-steach nan 11 phrionnsapalan bho gach institiùd, a' dèanamh cinnteach gu bheil beachdan nan com-pàirtichean uile air am beachdachadh. Ag aithris gun Bhòrd Marasglaidh Eadar-ghluasaid, tha uallach air airson ath-sgrùdadh adhartais, ag aontachadh shruthan-obrach agus a' leantainn bhuannachdan ionmhasail agus obrachail.



Gus tuilleadh fhaighinn a-mach mu riaghladh agus ceannardas Cruth-atharrachaidh, a thuilleadh air na sruthan-obrach prìomhachais a tha air an cruthachadh gus taic a chur ri leasachadh air an Làn Chùise Gnothachais, tadhailibh air transformation.uhi.ac.uk





Roinn do bheachd

Tha sinn a' sireadh in-chur aig an ìre thràth seo de ar leasachadh gus cuideachadh le Làn Chùise Gnothachais comp-pàirteachas oilthighe nas amalaichte a chumadh ann an dòigh a tha ag àrdachadh luach, seasmhachd agus cothroman, a' dèanamh cinnteach às a' bhuannachd as fheàrr a ghabhas do dh'oileanaich, luchd-obrach agus coimhearsnachdan. Tha sinn a' cur fàilte air ais-fhiosrachadh bho neach sam bith ag inbheisteadh ann an àm teachdail UHI, le ùidh shònraichte ann an cluinntinn bho:

- + Ar n-oileanaich làithreach agus am pàrantan / luchd-cùraim
- + Ar luchd-obrach
- + Aonaidhean ciùird
- + Buidhnean coimhearsnachd agus treas-roinne taobh a-staigh sgìrean na Gàidhealtachd 's nan Eilean, Moireibh agus Siorrachd Pheairt
- + Buidhnean com-pàirteachais taobh a-staigh sgìrean na Gàidhealtachd 's nan Eilean, Moireibh agus Siorrachd Pheairt
- + Ùghdarrasan ionadail taobh a-staigh sgìrean na Gàidhealtachd, Moireibh agus Siorrachd Pheairt
- + Buill thaghte Pàrlamaid na h-Alba agus na Rìoghachd Aonaichte
- + Ùghdarrasan nàiseanta sgìlean is theisteanasan, agus buidhnean roinnean colaiste is oilthighe ann an Alba, agus Comhairle maoineachaidh na h-Alba
- + Bùird slàinte taobh a-staigh sgìrean na Gàidhealtachd 's nan Eilean, Moireibh agus Siorrachd Pheairt

Modh freagairt

Tha am fiosrachadh agaibh air ais deatamach ann an cuideachadh le modail a chumadh do UHI mu choinneamh an ama ri teachd. Bidh an ceisteachan a' ruith bho 24 Màrt gu 2 Cèitean 2025.

Cuir crìoch air an t-suirbhidh

- + **Air-loidhne**
Tadhailibh air <https://app.onlinesurveys.jisc.ac.uk/s/uhi/uhi-transformation> gus freagairt do na ceistean a tha còmhla ris an sgrìobhainn seo.



- + **Lethbhreac pàipeir**
Faodar lethbhreacan pàipeir den t-suirbhidh a thogail len iarraidh, bhon ionad ionnsachaidh as fhaisge dhuibh. Cuiribh post-d gu transformation@uhi.ac.uk nam bu mhath leibh lethbhreac a thogail, a' gabhail a-steach ainm an ionaid ionnsachaidh bho am bi sibh a' togail.

Faodaidh freagairtean na suirbhidh an sganadh agus an cur air post-d gu transformation@uhi.ac.uk, no an tilleadh gu an ionad ionnsachaidh cheudna bhon d' fhuair thu e


Thèid sgrìobhainn gearr-iomraidh den fhiosrachadh air ais bho na molaidhean tràtha sin fhoillseachadh air transformation.uhi.ac.uk aon uair 's gu bheil an data air a thional. Bidh na freagairtean sin a' fiosrachadh an leasachaidh air an Làn Chùise Gnothachais.

Faigh a-mach tuilleadh

Tadhail air transformation.uhi.ac.uk airson tuilleadh mion-fhiosrachaidh mu na molaidhean tràtha.

Prìobhaideachd agus Dìon Dàta

Cha tèid mion-fhiosrachadh pearsanta sam bith a thional mar phàirt den phrògram conaltraidh seo. Bidh na freagairtean uile gun urra. Tadhail air transformation.uhi.ac.uk a dh'fhaicinn na làn aithiris prìobhaideachd.



UHI

Com-pàirteachas UHI

UHI Earra-Ghàidheal

UHI Inbhir Nis

UHI Moireibh

UHI a Tuath, An Iar agus Innse Gall

UHI Arcaibh

UHI Peairt

UHI Sealtainn

HTC

Sabhal Mòr Ostaig

Comann Saidheans Mara na h-Alba



Far a bheil ionnsachadh a' ciallachadh **barrachd**

Taigh UHI, Seann Rathad Pheairt, Inbhir Nis, Alba IV2 3JH

Companaidh cuibhrichte clàraichte ann an Alba, Àir. 14820. Companaidh cuibhrichte clàraichte ann an Alba Àir. 148203 | Carthannas Albannach Clàraichte Àir. SC022228 | Oifis chlàraichte: Taigh UHI, Seann Rathad Pheairt, Inbhir Nis, Alba IV2 3JH